

Madrid: Inzko se sastao sa političkim direktorima EU



Visoki predstavnik i specijalni predstavnik Evropske unije Valentin Inzko danas je u Madridu učestvovao na sastanku političkih direktora zemalja EU sa ciljem podrške obnovljenim naporima EU i međunarodne zajednice da se otkloni politički zastoj u Bosni i Hercegovini te zemlja vrati na put ka punoj integraciji u evroatlantske strukture.

Na sastanku svih političkih direktora EU, visoki predstavnik i specijalni predstavnik EU je dao otvorenu analizu napretka i zastoja u Bosni i Hercegovini u posljednje tri godine. Iako su poduzeti neki pozitivni koraci – naročito brze i efikasne mjere na ispunjavanju zahtjeva za bezvizni režim, koje su implementirane za samo nekoliko mjeseci nakon godina kašnjenja zbog političke opstrukcije – visoki predstavnik i specijalni predstavnik EU je upozorio da je nedostatak političkog konsenzusa značio da nijedna jedina važna reforma, koja bi BiH učinila funkcionalnijom državom, nije donesena ili implementirana u posljednje tri godine.

Visoki predstavnik i specijalni predstavnik EU je istakao da ako Bosna i Hercegovina napravi daljnji napredak u pogledu zahtjeva za članstvom u NATO-u, to bi predstavljalo dodatni i značajan faktor stabilizacije, iako je konstatirao da taj napredak umnogome zavisi od toga da li političko rukovodstvo u BiH prihvata pozitivan i praktičan pristup.